



## Universitätsbibliothek Paderborn

**Disputationes|| ROBERTI BELLAR-||MINI E SOCIATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS  
EX-||PLICATA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

II. Ordinationem Sacramentum esse, demonstratur ex diuinis literis.

[urn:nbn:de:hbz:466:1-54104](https://nbn-resolving.de/urn/resolver.pl?urn=urn:nbn:de:hbz:466:1-54104)

& Kemnitius in 2. parte Examinis, in disputatione de Sacramento Ordinis, pag 1162. & sequentibus. Caluinus autem etiam si plerisque in locis duo tantum ponit Sacra menta, Baptismum, & Coenam, tamen lib. 4. Inst. c. 14. §. 20. & c. 19. §. 31 agnoscit Ordinationem esse verum Sacramentum; ac dicit se tantum duo antea posuisse, quod loqueretur de Sacramentis, quæ omnibus fidelibus communia sunt.

Philippus quoque Melanchthon, et si in locis primò editis duo tantum posuerat Sacra menta, tamen in locis editis anno XXXVI. LII. & LVIII. Ordinationem vult esse verum Sacramentum, & fusè id probat. Item in Apologia Confessionis Augustanae, art. 13. qui est de numero Sacra mentorum; satis aperte docet, Ordinationem Ministrorum esse Sacra mentum propriè dictum.

Nec valet responsio Kemnitij pag. 1167. vbi dicit, Apologiam esse intelligendam de voce Sacra menti largo modo accepta. Id, inquam, non valet. Nam Philippus dicit ad Sacra menta propriè dicta tria requiri, ritum, promissionem gratiæ, & mandatum; deinde ex hoc fundamento probat Sacra menta esse propriè dicta, Baptismum, Eucharistiam, & Absolutionem. Deinde ex eodem fundamento reiicit Confirmationem, & Extremam unctionem, & paulò post etiam Matrimonium. De Ordine autem distinguunt: nam si accipiatur pro sacerdotio, negat in Ecclesia ullum esse debere sacerdotium; si accipiatur pro Ordinatione Ministrorum, dicit non grauatè se admittere eam inter Sacra menta, & probat ex fundamento supra posito, quia habet ritum, mandatum, & promissionem. Itaque sine dubio Kemnitius, etiam si id confiteri palam non audeat, repugnat in hac controv ersia non solum Caluino, sed etiam Lutheranis præcipuis; seque adiungit Illyrico, aliisque obscurioribus, & paucioribus Lutheranis.

### CAP VT SEC VND V M. Ordinationem Sacra mentum esse demonstratur ex diuinis literis.



V o d igitur Ordinatio sit Sacra mentum verè, ac propriè dictum, demonstratur ex sacris literis. Tria requiruntur ad Sacra mentum propriè dictum,

etum, ut aduersarij fatentur, & afferit Apologia Confessionis, art. 13, quam admitrit Kemnitius, cum in eius verba iurauerit, nimirum, symbolum externum, seu ritus; promissio gratiae; & mandatum, seu institutio diuina. Hęc omnia reperiuntur in Ordinatione.

Ac primū, ritus, externumque symbolum est manuum impositio: de qua est in Scriptura frequentissima mentio, ut Actorum 6. vbi ordinantur Diaconi per manus impositionem Actorum 13. impositione manuum ordinantur Episcopi Paulus, & Barnabas, sic enim eum locum intelligit sanctus Leo epist. 81. ad Diocorum, & Chrysostomus in commentario eius loci. Actorum 14. vbi habemus: Cum constituisserent presbyteros, Græcè est χειροτονίας, id est, cum per manus impositionem creassent prebyteros. 1. Timoth. 4. Cum impositione manuum presbyteri. Et cap. 5. Nemini citò manus imposuerū. Et 2. Tim. 1. Per impositionem manuum mearum. Quę omnia loca intelliguntur ab omnibus expositis de Ordinatione: vnde etiam apud Græcos ordinatio χειροτονία appellari solet, id est, manuum extensio, siue impositio.

Promissio gratiae habetur expressè. 1. Timoth. 4. Nolne gligere gratiam, &c. Et 2. Timoth. 1. Admoneo te, ut resuscites gratiam, &c.

Denique mandatum, & institutio, Actorum 13. Segregate mihi Saulum, & Barnabam. Actorum 20. In quo vos Spiritus sanctus posuit Episcopos. Ephes. 4. Ipse dedit quosdam quidem Apostolos, alios Prophetas, alios Pastores, & Doctores.

RESPONDET Kemnitius loco notato, hęc omnia nihil ad rem facere; nam symbolum illud externum, id est, manus impositio, adhibebatur quidem in Ordinatione, sed non erat aliud nisi cæremonia, qua vtebantur Apostoli, cum pro aliquo orabant, cumq[ue] Deo commendabant. Itaque imponebant manus iis, quos ordinabant, non ut Sacramentum aliquod traderent, sed ut eos Deo commendarent. Promissio autem gratiae habetur quidem in Scripturis, sed non promissio gratiae iustificantis à peccato, hęc autem necessaria est ad Sacramentum propriè dictum. Denique mandatum habetur, ut Ministri ordinentur, sed non habetur man-

CC 3 datum,

datum, ut siant certo aliquo ritu. Dominus enim cum ordinauit Apostolos Lucæ 22. dixit? *Hoc facite; sed non legitur vlla cæremonia, qua eos ordinauerit.* Deinde Ioann. 20. dedit illis iterum Ecclesiasticam potestatem, dicens: *Quorum remiseritis peccata: nec tamen imposuit manus, aut uñcti illos, aut dedit instrumenta consecrationis, quod modò nos facimus, sed tantùm insufflavit, quod nos minimè facimus.* Neque Apostoli usquam tradunt, se mandatum accepisse, ut manus imponerent, cum ordinabant Ministros.

**R E S P O N D E O.** Quod attinet ad manus impositionem, adhibitam eam fuisse non solum ad orandum, sed etiam ad ordinandum. Id probatur P R I M O, quia Scriptura non ministrat orationis 1. Timoth. 4. & 5. & 2. Tim. 1, ubi de manus impositione agitur.

**S E C U N D O,** in Actis cap. 6, ubi ordinantur Diaconi ab Apostolis, distinguitur apertissime oratio ab impositione manus: sic enim legimus Græcè: *ηγή προσθέτας οὐ πέθηκε αὐτοῖς τὰς χεῖρας, id est, Et cum orassent, imposuerunt eū manus.* Et rursus cap. 13. distinguitur una cæremonia ab alia: *Ieiunantes, inquit, & orantes, imponentes illis manus, dimiserunt eos.*

**T E R T I O,** quia 1. Timoth. 5. illa verba: *Nemini inde manus imposueris, neque communicaveris peccatis alienis,* non possunt exponi de oratione, sed de cæremonia, qua ordinantur Ministri. Non enim communicat peccatis alienis, qui orat pro alio, etiamsi indignissimo; sed qui ordinat indignum, is verè communicat peccatis alienis.

**Q U A R T O,** illa verba Actor. 14. *Χειροτονίσαντες προ-*  
*ευτέλες nulla ratione possunt exponi de oratione.* Neque obstat, quod aduersarij nolunt *χειροτονεῖν* esse manus imponere, sed manum extendere, siue attollere in signum suffragij. Id, inquam, non obstat; nam in Scripturis, & usu Ecclesiastico *χειροτονεῖν*, significat extendere manus super capita ordinandorum, & eo modo ordinare; ita ut sit idem *χειροτονία, & χειροβεβία.* Id patet ex Chrysostomo homil. 10. in priorem ad Timotheum, & ex epistola Concilij Nicæni ad Alexandrinos apud Theodoretum lib. 1. histor. cap. 9. & ex aliis Græcis, qui Ordinationem, quæ ab Episcopo fit,

po fit, vocant *Xεροτονίων*, & tamen Episcopi non ordinant attollendo manus in signū suffragij, sed extendendo super capita ordinandorum. Et ex hoc ipso loco Act. 14. idem aperte colligitur, nam Lucas non dicit, Apostolos constituisse presbyteros ad *Xεροτονίων* populi, ut dicere deberet, si intelligeret id quod aduersarij volūt, sed dicit ipsos Apostolos vos *Xεροτονία*, id est, manus extensio in cōstituendis presbyteris.

Denique sanctus Hieronymus peritissimus vtriusque linguae, in cap. 58. Isaiae, *Xεροτονίων*, interpretatur manus impositionem, quæ cum vocis imprecatione, Ordinationem perficit. D E N I Q U E etiamsi constaret cum manus impositione semper coniunctam fuisse orationem, nihil obtineret Kemnitius: tunc enim diceremus, verba Sacramentalia esse orationem quandam; vnde etiam mysticæ preces dicuntur à veteribus.

Quantum ad promissionem gratiæ remissionis peccatorum, R E S P O N D E O , vel vult Kemnitius omne Sacramentum per se esse institutum ad remissionem peccati, vel id satis esse, si conferat gratiam gratum facientem, quæ sit efficax ad peccatum delendum, si illud inueniat, licet per se ad alium finem ordinetur.

Si P R I M U M affirmat, non poterit defendere Eucharistiam esse verum Sacramentum: siquidem certum est, Eucharistiam non esse per se institutam ad peccatum tollendum, sed ad vitam spiritualem conseruandam, & augendam. Id quod pater ex eo, quod datur immediatè post Baptismum: proinde iis, qui non habent peccata: immò non datur nisi iis, qui iudicantur mundi, & puri esse à peccato, cum Paulus dicat, 1. Cor. ii. Probet autem seipsum homo, & sic de pane illo edat, &c.

Si S E C U N D U M , facile ostendemus Ordinationem esse verum Sacramentum. Nam gratia, quæ illi promissa est, non est donum aliquod gratis datum, vt prophetia, vel donum linguarum, sed gratia iustificans. Nam IN PRIMIS Ioan. 20. cùm Dominus tribuit Apostolis potestatem remittendi peccata, quæ est pars quedam sacerdotij, dixit: *Accipite Spiritum sanctum*. non autem vocatur absolute *Spiritus sanctus* in scripturis donum illud, quod in impiis esse potest. P R A E-

C C 4 T E R E A,

**T**ESEA, 2. Timoth. i. vbi dixerat Apostolus, gratiam Timotheo par manus impositionem datam, subiungit explicans, quæ sit illa gratia: *Non enim, inquit, dedit nobis id est, nobis Episcopis, Deus spiritum timoru; sed virtutu, & dilectionu et sobritati.*

Quod autem pertinet ad mandatum, sive institutionem, non legimus quidem disertis verbis Christum dixisse, Ordinate Ministros per manus impositionem: sed euidenter id colligimus ex sanctis literis. Nam ut diximus de aliis Sacrementis, non potest ullus homo gratiam alligare certo signo; idq; etiam aduersarij concedunt: atqui secundum scripturas alligata est gratia manus impositioni in Ordinatione, vt ex illis verbis patet, 1. Timoth. 4. *Noli negligere gratiam qua data est tibi per prophetam, cum impositione manuum presbyterij.* vbi illud, *Per prophetam, non est instrumentum, sed causa impellens, & mouens: instrumentum autem conferendæ gratiæ est illud: Cum impositione manuum.* Scilicet enim est, vt rectè etiam Caluinus exponit; Noli negligere gratiam illam, quæ tibi data est, quando Episcopus a me ordinatus es, iuxta reuelationem de te mihi factam, (Deus enim reuelauerat Paulo, & iussicerat, vt Timotheum ordinaret, id quod etiam habetur in primo capite) secundum præcedentes in te prophetias. Quod autem instrumentum gratiæ conferendæ, fuerit impositione manuum, habetur adhuc clariss, 2. Timoth. 1. *Admoneo te, ut resuscites gratiam, quæ in te est, per impositionem manuum mearum.* Cum igitur gratia sit alligata Ordinationi per manus impositionem, necesse est Ueum esse auctorem, & institutorem illius cæremoniæ.

Neque argumenta Kemnitij contrâ allata concludunt. Dominus enim, qui Sacramentis alligatus non erat, poterat Apostolis dare effectum Sacramenti sine Sacramento, id est, ordinare presbyteros, & Episcopos sine manus impositione; sicut eisdem Apostolos sine Sacramento confirmauit, & Magdalenam sine Sacramento absoluit.

A d p t quod neque cogimur credere, Dominum sine impositione manus Ordinationem Apostolis contulisse. Nam etiamsi scriptum non est, per impositionem manuum ordinatos Apostolos a Christo; tamen neque scriptum est contrarium: & multa fecit Dominus, quæ scripta non sunt.

CAPVT

